



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Art. VII. Vtrum quæcumque vult homo, velit propter ultimum finem?

[urn:nbn:de:hbz:466:1-78232](#)

num formalem & totalem sue relationis filium à se genitum; hunc verò esse duplēm, vel trīplēm, materialiter se habet; & si fuerit triplex filius ab illo genitus, quilibet illorum est terminus partialis: ita qui peccat mortaliter, respicit ut finem ultimum totalem, vel seipsum uebonis temporalibus oriarum & affectum, vel bonum propriū & privatum: quod vero bona temporalia, quæ appetit, sint plura, vel dūntaxat nūm, materialiter se habet; & si fuerint plura, quodlibet illorum est tantum finis partialis illius, vel finis proximus, in quem tendit; & à quo ejus actus specificatur. De quo fūse in tractatu de peccatis.

Diss. 9.
art. 2.

A tanquam ad ultimum finem referatur, imperfētamen & inefficaciter, cō quid per illud non avertatur à Deo, nec deferat ejus amicitiam, inō maneat absolute amicus Dei, & cum propōsto adimplendi voluntatem illius.

Dices: Impossibile est quid homo simul apprehendat duos ultimos fines simpliciter, in suā pradiximū: Ergo est impossibile quid appetat illos; etiam unum appetat inefficaciter. Consequentia videatur bona, cō quid nihil possit esse volutum, etiam inefficaciter, quin sit praeognitum.

Respondetur tamen distinguendo Ante-

dens: impossibile est, quod homo simul appre-

hendat duos ultimos fines, si hoc intelligatur de

B apprehensione practica tantum, verum est; non

enim potest homo judicare hic & nunc in una

re esse siam beatitudinem, & ad illam orna-

milia ordinari debere, & ex alia parte hic & non

esse aliam rem appetibilem non comprehen-

sam in illa, & non ordinata mad ipsam: Si autem

intelligatur Antecedens de diverso genere co-

gnitionis, uno scilicet speculativi, & alio pra-

cticō, falsum est: nam peccans mortaliter judi-

catur speculativē solūm Deum esse ultimum fi-

nem; practicē verò bonum commutabile, quod

inordinate diligit, ut finem ultimum apprehe-

dit; subinde simul apprehendit duos ulto-

C mos fines. Cū ergo ad volitionem ineffici-

cem sufficiat cognitione speculativa, & ad effa-

cem requiratur practica; hinc quid homo

possit simul habere duos ultimos fines, quorum

unus sit efficaciter volitus, alijs verò inefficaci-

ter: non tamen habere potest duos ultimos fines

efficaciter volitos, etiam disjunctivē: quia illi

D requirunt diversa iudicia practica omnino in-

compossibilitia. Alias hujus difficultatis solu-

tiones trademus in tractatu de peccatis, diss. 9.

art. 4. tibi exponemus, quem finem ultimum

actu intendat ille, qui venialiter peccat.

ARTICULUS VII.

Verum quæcumque vult homo, velit propriū ultimum finem?

S. I.

Quibusdam præmisis difficultas proponitur.

N O tamdum primō, & utat Cajetanus, præ 149
oculis semper habendum, quid finis ultimus est duplex, unus formalis, scilicet beatudo in communi, alius materialis, nimirum res illa, in qua collocat homo suam beatitudinem, five sit Deus, five bonum propriū, in quo, ut supra vidimus, peccator ultimum finem configuit.

E Notandum secundō, hominem posse agere proper ultimum finem quatuor modis, actualiter, habitualiter, virtualiter, & interpretative. Actualiter, cū actu expresso voluntatis tendit in finem ultimum; & tunc etiam dicitur agere proper ultimum finem formaliter. Habitualiter, quando habitualis dispositio reperitur in homine ad finem ultimum: homo enim ratione hujuscē dispositionis ipsi dominantis dicitur omnia habitualiter refere in ultimum finem. Virtualiter, quando actualis volatio præcedens manet in virtute, & ratione eius

vif-

vixit relictus homo operatur, etiam si tunc nihil cogitet de tali fine: sicut si quis determinat in Ierusalem ad sanctum sepulchrum, & in virtute huius conditionis conductus equum, pergit ad portum, navem ingreditur, & iter longissimum tempore facit, omnia haec sunt propter illum finem virtualiter, etiam si non cogitet amplius de illo fine, eo quod virtus eius maneat in illis medijs. Tamen dicitur agere propter finem interpretative, quando operatur circa aliquod objectum, quod ex natura ordinatur ad finem, quem tamen pro tunc neque actu cognoscit, neque actu intendit: v.g. qui dat elemosynam propter honestatem misericordia, nihil de Deo vel beatitudine cogitans, censetur operari interpretative propter Deum, & propter beatitudinem; quia ipsum bonum honestum, quod exprefit intenditur, ex natura sua referitur in Deum, & est medium, quo tendimus in beatitudinem. Hic modus operandi propter finem dicitur à quibusdam virtualis ex parte objecti, sive operis; alter vero appellatur virtus ex parte agentis, sive operantis.

Notandum tertio, sive potius supponendum, quod homo non omnia vult actualiter propter ultimum finem formalem, seu beatitudinem in communione: experientia siquidem constat, quod intellectus non cogitante formaliter de illa, sive voluntas operatur. Admittunt enim omnes, hominem habitualiter aliquo modo operari propter ultimum finem formalem, ratione propensionis & inclinationis naturalis, quam non omnes habent ad suam beatitudinem: Solum ergo restat controversia inter Theologos, attendas semper in finem ultimum virtualiter, vel interpretative solum; vel ut alij dicunt, an vel omnia propter ultimum finem virtualiter ex parte operantis, vel solum virtualiter ex parte operis?

§. II.

Reflexiones difficultas proposita.

Dico primò. Quotiescumque voluntas libere & humano modo operatur, tendit ad finem ultimum formalem, saltem interpretative. In hac conculsione convenienter omnes ferè Theologoi, exceptis illis, qui censent voluntatem posse fieri in malum sub ratione mali, quos adducemus infra quest. 8. & art. 1.

Probatur ratione D. Thoma hic art. 6. Voluntas non potest velle nisi bonum, ut loco citato ostendimus. Vel ergo appetit bonum perfectum & consummatum, vel imperfectum & inchoatum: Si primum, revera intendit finem ultimum formalem: bonum enim perfectum & satiativum appetitus est ipse finis. Si secundum: ergo salem interpretative tendit ad finem ultimum: quia quando intenditur pars, vel inchoatio alicuius boni, interpretative appetitur totum, vel consummatio ejus. Exempli gratia, qui fundamenta domus jicit, censetur velle dominum construere, quia fundamentum est inchoatio domus, & ipsa domus inchoata: & in natura generans, seu natura producens formam embrionis, interpretative censetur velle formam animalis, seu perfecti viventis, cuius embryo est veluti quadam inchoatio: Atqui bonum imperfectum est pars, vel inchoatio ultima, scilicet boni perfecti & consummati;

A incipit enim perficere ipsum hominem, & ejus appetitum aliqualiter satiare: Ergo quotiescumque voluntas liberè & humano modo operatur, tendit ad finem ultimum formalem, saltem interpretative.

Confirmatur: Tunc voluntas dicitur interpretativa, quando operans appetit aliquid, quod ex natura sua ordinatur ad aliud, de quo tamen operans tunc non cogitat: verbi gratiâ cum quis sumit alimentum, quod ex natura sua ordinatur ad nutritionem, sed de nutritione pro tunc nihil cogitat, censetur interpretative velle nutritionem. Similiter qui dat elemosynam ex motivo misericordia, nihil cogitans de Deo, nec ullum quidem cognoscens (ut Paganus) censetur interpretativa illam dare propter Deum auctorem naturæ; quia elemosyna ex se ad illum ordinatur. Item dum homo vult aliquid contra rationem naturalem, ex consequenti, & interpretativa vult illud contra legem eternam, ad quam ratio naturalis ordinatur, & cujus est participatio: Ergo similiter, cum quis vult bonum particulare, nihil cogitans de fine ultimo, virtualiter vult finem ultimum, eo quod bonum particulare ex natura sua ad finem ultimum ordinatur, & sit veluti quadam ejus inchoatio & participatio. Hinc Sancti Patres & Philosophi sape dicunt, omnia quæ appetit homo, appetere ut felix & beatus sit. Quod adeò verum est, ut Divus Augustinus tractatu de Epicureis, & Stoicis capite 3. dicat: Qui malus est, maius non esset, nisi inde se beatum esse posse speraret. Et paulò post: Pone aliquem farem, quaro ab illo, quare furtum facit; ut habeam inquit, quod non habebam. Quare vis habere, quod non habebas? quia miserum est non habere. Si ergo miserum est non habere, beatum putat habere sed in eo imprudens est, & errat, quia de mali vult beatus fieri. Idem docet sermone 1. in Psalm. 118. his verbis: Beatum esse tam magnum est bonus, ut hoc & boni velint & mali. Nec mirum est, quod boni propterea sint boni: sed illud est mirum, quod etiam mali propterea sint mali, ut sint beati; nam quisquis libidinibus deditus, luxuria stuprifice corrumptur, in hoc malo beatitudinem querit.

Dico secundò: Quidquid homo vult in particulari libere & humano modo, vult propter ultimum finem formalem, virtualiter ex parte operantis. Ita docent plures ex nostris Thomistis, contra Curielem, Lorcam, Suarezem, Vazquezem, & alios.

Probatur primò ex D. Thoma hic art. 6. in 156. resp. ad 3. Cm enim sibi objecit, quod non semper homo, cum vult aliquid, cogitat de ultimo fine, atque adeo non semper operatur propter illum: responderet, quod non oportet ut semper aliquis cogitet de ultimo fine, quandocumque aliquid appetit vel operatur: sed virtus prima intentionis, quæ est respectu ultimi finis, manet in quolibet appetitu cuiuscumque rei, etiam si de ultimo fine actu non cogitatur: sicut non oportet quid quia vadit per viam, in qua libet passu cogitet de fine.

Respondent Averlarij: quod cum D. Thomas inquit virtutem primæ intentionis esse in quolibet appetitu cuiuscumque rei, non loquitur de intentione formaliter precedentri, sed de virtuali, quæ continetur virtualiter in appetitione cuiuscumque boni particularis, & quæ, ut diximus notabiliter, interpretativa à Theologis nuncupatur.

Sed contra primo: Hæc expositio est violen-

tas;

ta; nomine enim prima intentionis D. Thomas A intelligit praeteritam intentionem, quæ debet formaliter procedere, ut maneat virtute in voluntione bonorum particularium, sicut in itinerrante, ut intentio finis itineris maneat virtute in itinere, necessarium est, quod formaliter praecessit.

Deinde, si non loqueretur de intentione formalis, sed de virtuali, non recte diceret, quod illa praecessit: quia virtualis intentionis finis ultimi, in appetitione cuiuscunque boni particularis virtualiter contenta, non praecessit, sed tunc est maximè præsens, quando exercetur illa, in qua includitur; unde etiam talis intentionis non recte appellatur prima.

Præterea D. Thomas in 4. dist. 49, quæst. 1. art. 3, quæst. 1. ad 6. ait: Desiderium beatitudinis virtute est in omnibus alijs desiderijs, sicut eus in effectu. Præcedit ergo voluntio expressa ultimi finis formalis ut vera causa, cuius virtus maner in quolibet actu, seu in appetitione cuiuscunque boni particularis. Unde

159. Probatur secundo conclusio ratione fundamentali. Omne actum voluntatis circa bonum particulare præcedit voluntio formalis, & explicita finis ultimi in communi, seu beatitudinis: Ergo quotiescumque homo tendit ad aliquem finem proximum, & appetit bona particularia, vult ea virtualiter propter ultimum finem formalem. Consequens videtur legitima: quia quando præcessit intentionis finis ultimi, relinquit ex illa in voluntate virtus ad appetendum finem proximum, & bona particularia: Ergo tunc ea virtualiter appetit propter ultimum finem.

160. Antecedens vero ostenditur primò ratione D. Thomæ hic art. 6. Impossibile est, quod causa secunda efficientis operetur, nisi presupponat influxum causæ primæ: Ergo etiam repugnat quod finis proximus moveat, nisi presupponat influxum finis ultimi communis. Sed causalitas & influxus finis est appeti, seu desiderari, sicut influere causæ efficientis est agere: Ergo impossibile est, quod finis proximus moveat, nisi voluntio, seu desiderium finis ultimi præcedat. Minor, & ultima consequentia patent. Prima vero probatur: quia sic se habet in movendo finis ultimus respectu finis particularis in genere causæ finalis, sicut in genere causæ efficientis se habet primum efficientis ad causas efficientes particulares: non minus enim finis ultimus sibi subordinat omnes fines intermedios, quam prima causa efficientis omnes causas secundas particulares.

161. Secundò probatur idem Antecedens. Actus, quo voluntas vult finem ultimum in communi, est naturalis & necessarius, quantum ad specificationem, ut ostendemus infra qu. 9. Ergo semper præcedit omnes actus voluntatis circa bona particularia. Probatur consequentia: quia voluntas prius est natura, quam potentia libera; natura enim voluntatis supponit libertati, & non est contra: Ergo actus eius naturales & necessarij, ut est voluntio finis ultimi in communi, debent præcedere liberos, quales sunt voluntiones bonorum particularium.

162. Confirmatur: Omne, quod est varium & incertum, reducitur in aliquid certum & stabile, ne debet processus in infinitum: sicut ob eandem rationem omnis motus in aliiquid fixum & immobile debet reduci: Sed omnis voluntio

libera, qualis est actus voluntatis circa bonum particulare, est varia, mobilis & incerta iuxta illud Sapient. 9. Cogitationes mortaliū timida, & incerta providentia nostra: Ergo debet reduci ad aliquam voluntatem naturalē & necessariam, qualis est voluntio finis ultimi in communi, subindeque eam presupponere.

Tertiò probatur principale Antecedens: Sic 16, se habet finis ultimus in communi ad omnia bona particularia, sicut finis particularis ad media ipsius: Sed intentionis finis particularis necessario ante cedit electionem mediorum illius ordinis; ut patet in medico, qui prius habet formalem voluntatem sanandi infirmum, quam eligat, & apponat media, & remedia ad sanitatem conducentia: Ergo similiter intentionis ultimi finis in communi debet præcedere quamcumque alias voluntatem bonorum particularium.

Respondent Adversarij: quod licet voluntio f. 16, finis ultimi in communi, seu beatitudinis, præcedat voluntatem quorundamque bonorum particularium, non potest tamen virtualiter influere in actus voluntatis, qui postea sequuntur: quia cum sepe voluntas suspendat omnem actionem, & definat operari, sepe etiam interrupitur omnino hæc intentionis finis ultimi, nec manet virtualiter in mediis; quia (inquit) tunc solum virtus præcedentis electionis potest conservari in mediis, & de uno derivari in aliis, quando ipsa media non solum sunt subordinata fini volito, sed etiam inter se, ita ut unumque quasi finis alterius: unde quia singulare bona, quae quis appetit, etsi omnia sint media ad ultimum finem formalem, qui est beatitudo in communi, non sunt tamen inter se ita connexa, ut unum habeat rationem medi ad aliud, ideo illa virtus finis non potest conservari in voluntate bonorum particularium, nec transire ex una voluntate finis particularis ad aliam.

Verum hæc solutio & doctrina, in qua contineatur præcipuum adversæ sententiae fundatum, faciliter potest confutari. Cum enim intentionis finis ultimi in communi, seu beatitudinis, sit voluntio finis generalis, ejus influxus debet, virtualiter saltem, se extendere ad omnes voluntates secundarias; sicut in fluxus prima & universalissimæ causæ efficientis, ad omnes in universo effectus se extendet.

Nec obstat quod hæc intentionis sepe interrumptur: ut enim virtualiter influat in voluntatem bonorum particularium, sufficit quod nunquam retrahatur, & quod sepe restituitur & restiteretur: quoties autem homo incipit de novo operari, & ejus voluntas aliquid velle de novo, ad quod ex præcedentibus voluntatibus non erat determinata, & in actu, toties voluntio formalis & explicita finis ultimi in communi, præcedit necessarij electionem quamcumque; ut colligitur ex Augustino 1. de Trinit. cap. 6. ubi quodquis de quibuscdam actibus voluntatis, & voluntatis ostendere quæ ratione in finem ultimum omnes referantur, ait: Omnes ista atque tales voluntates proprios fines habent, qui referuntur ad finem illius voluntatis quæ voluntas beatè vivere.

Ratio etiam id suadet: cum enim voluntas humanæ de se sit in potentia ad omnes actus, & ab existente in potentia, ut tali, non possit procedere actus determinatus, voluntas hominum non potest se mouere ad aliquem actum determinatum, nec bonum aliquod particolare appetere, nisi prius saltem natura constitutum in actu, per

per aliquem alium actum præcedentem, ad quam non se moveat, sed moveatur & applicetur à Deo. Sed h[ic] cactus non est intentio finis particularis: tum quia in intentione finis particularis si p[ro]p[ri]e peccat voluntas, & per consequens ad eam specialiter non movetur à Deo: tum etiam quia finis proximus non est ratio adiquata movendi voluntatem ad operandum, cum non sit ipius satutus: Ergo voluntas non potest aliquid velle de novo, nec aliquid bonum particulare appetere, nisi prius saltem natura, sit constituta in actu, per volitionem finis ultimi communis, seu beatitudinis ut sic, ex quae deinde se moveat ad hunc vel illum particulari finem appetendum, qui est pars & inchoationis communis. Unde D. Thomas infra qu. 9. art. 6. ad 3. *D[icit] Deus movet voluntatem hominis, sicut universalis motor ad universale obiectum voluntatis, quod est bonum;* & *sine hac universalis motione homo non potest aliquid velle.* Valde ergo probabile est, quod non solum in principio usus rationis, quando homo humano modo incipit operari, sed etiam quotiescumque incipit aliquid velledenovo, ad quod ex præcedentibus volitionibus non erat determinatus. Deus ut motor generalis movet & applicat ejus voluntatem ad volitionem finis ultimi, seu beatitudinis in communi; ex quo postea voluntas se movet ad volitionem quorumcumque bonorum particularium.

Neque obstat si dicas, nos s[ecundu]m experiri, quod appetimus finem proximum & bona particula, non cogitando de fine ultimo in communi, & de beatitudine ut sic: cum enim intentionis illa sit imperfecta & confusa (sicut & obiectum commune & confusum est) & fiat sine reflexione & attentione, non mirum, si ad eam non advertamus, vel illius non recordemur. Quod etiam in intellectu apprehendente primis in communi, quam objecta particularia, contingit.

Quod autem illi Authores addunt, nempe tunc illo intentionem finis ultimi conservari in mediis, & ex uno derivari in aliud, quando finis inter se subordinata, ita ut unum sit quasi finis alterius, omnino falsum est. Nam virtus prima intentionis, qua remanet virtualiter in primo medio, non solum ex illo communicatur secundo medio subordinato priori; sed etiam secundo disparato, dummodo sit verè medium ad principium finem: v.g. cum quis ex voluntate eius Romam conductus equum, & illo conductu repperit currum, & non repertus intentione finis, dimisso equo conductus currum, & emit velitem, & preparat cibaria; quis dicat eum omnia haec non operari propter finem itinerantis, & non itinerari propter finem eiusdem Romam? Tamen ita media non subordinantur ad invicem, sed solum omnia conducunt ad principalem finem itineris.

Denique funderi potest conclusio alia ratione principalis. Homo in volitione cujuscumque boni particularis, propriè, & modo humano operatur propter finem ultimum, seu beatitudinem in communi: Ergo in quolibet actu, virtualiter factem, & non solum interpretativè, tendit in ultimum finem formalem. Probatur consequentia: quia agere propter finem non intentum, factem virtualiter, ab operante, sed imbibitum, in ipsa operatione seu objecto ejus & cognitum solum ab Auctore natura, est modus tendendi

A in finem imperfectissimum, competens & brutis, & ipsis etiam rebus inanimatis, ut pater ex dictis art. 3. Ergo si homo in volitione cujuscumque boni particularis, propriè & modo humano operetur propter ultimum finem, seu beatitudinem in communi, illam intendit, sicut virtualiter, ex parte operantis, & non solum interpretativè, seu virtualiter tantum ex parte operis quatenus scilicet operatio ipsa ex natura sua est ordinata in talem finem.

Dico tertio: homo in omni operatione humana agit, sicut virtualiter, propter aliquem finem ultimum materialem, seu in particulari, verum, vel apparentem.

Hæc conclusio sequitur ex dictis in præcedenti: cum enim intentionis sit appetitus efficiax finis, & illum ut futurum & obtinendum respiciat, non potest ferri in rem communem, ut omnino abstractam à subjecto, sed in rem communem, ut in subjecto in quo revera potest existere, seu existimatur posse existere: Ergo quotiescumque homo intendit finem ultimum, seu beatitudinem in communi, de facto vult aliquem finem ultimum in particulari, applicando talem rationem felicitatis, seu ultimi finis, alicui rei, seu aliquibus rebus, hoc est Deo, vel virtuti & bono honesto, aut bono delectabili & virtuo; licet per effectum inefficacem, & simplicis complacentie, possit ferri circa beatitudinem in communi, & abstractam ab omni subjecto.

§. III.

Solvuntur objectiones.

OBIICIES primò contra primam conclusio-
nem: Si ex eo quod quodlibet bonum particulare est aliqua pars boni ut sic, seu quædam inchoatio boni perfecti, non potest quis tendere in aliquid bonum particulare, nisi hoc ipso interpretativè velit bonum ut sic, sequitur quod homo, etiam dum peccat, interpretativè saltem appetat Deum, & propter illum operatur: Sed hoc dici nequit. Ergo nec illud. Sequela Majoris probatur. Homo dum peccat, appetit bonum aliquid creatum. Sed omne bonum creatum est quædam participatio bonitatis divinae, ex natura sua ad illam ordinata, sicut imperfectum ad perfectum, sicut inchoatio ad consummatiōnem, & sicut pars ad totum: Ergo homo dum peccat, interpretativè saltem appetit Deum, & propter illum operatur. Unde Augustinus lib. 2. Confessionum cap. 6. sic ait: *Perversus te imitantur omnes qui longè s[ed] à te faciunt: sed etiam sic te imitando iudicant Creatorem te esse omnis natura,* & ideo non esse quod à te omnino recedatur; quia scilicet ad quodcumque creatum bonum se convertunt, hoc ipsum, quatenus rationem habet, est aliqua participata perfectio divini est tu: ideo qui illud volunt & querunt, censentur (sicet perverso modo & ordine) divinum bonum, atque ad eum quod est omnis plenitudo boni, concupiscere & velle. Item D. Thomas 1. p. qu. 6. art. 1. ad 2. & qu. 44. art. 4. ad 3. & lib. 3. cont. Gentes cap. 17. 20. 21. & 22. & de verit. qu. 22. art. 2. docet res omnes, dum appetunt suam perfectionem & suum bonum, Deum appetere, quatenus perfectiones omnium rerum sunt quædam similitudines & participationes divini esse.

Probatur hanc rationem, & utriusque S. Doctoris autoritatem, aliqui censent omnes actiones

nes hominis, etiam peccaminosas, esse propter Deum, ut authorem naturae, & respicere illum ut finem ultimum.

Verum si illi Authores loquantur de actibus malis, secundum malitiam & deformitatem quam de formaliter important, eorum sententia est plusquam falsa: *cum enim talis deformitas a Deo ut primâ causâ efficiere non procedat, sed a sola voluntate humana, ut primâ causâ deficiente, & diffidente ad regulas morum operante, originem trahat, non potest Deum ut ultimum finem respicere: imo potius illi adversatur, & ab eo ut ultimo fine avertit.* Si vero sermo sit de peccatis, quantum ad entitatem quam de materiali includunt, vera est illa sententia: *quia cum entitas illa sit creata, & a Deo participata, atque ab illo ut prima causa efficiente ac generali motore procedat, non potest non referri in ipsum tanquam in ultimum finem;* ratio enim primi principij & ultimi finis in Deo converuntur, juxta illud Apocalypsis 1. *Ego sum Alpha & Omega: principium & finis.*

173. Unde ad objectionem respondeo, negando sequelam Majoris. Ad cuius probationem dicendum est, quod licet peccator peccando appetat aliquid bonum creatum, idque ad Deum ex natura sua sit ordinatum, utpote cum sit quædam participatio bonitatis divinae: quia tamen non vult illud, nisi ut subest malitia moralis, sub qua ratione non est referibile in Deum, imo potius illi adversatur, & ab eo avertit, non appetit Deum, etiam interpretative, nec propter illum ut ultimum finem operatur: tendit tamen ad ultimum finem formalem, sicut interpretative, quia bona illa particularia vult, ut sunt participationes ultimi finis formaliter, & prout ordinantur & conducunt ad beatitudinem in communi.

174. Ad testimonia vero D. Augustini & S. Thomas dicendum est, illos solum velle peccatorem, dum peccat, imitari aliqualiter Deum, appetendo similitudinem aliquam divini boni; & ideo non penitus recedere a Deo, quia adhaeret alicui bono, quod est imitatio & participatio boni divini: nam, ut ibidem ait Augustinus, *Superbia celsitudinem imitatur, cum tu sis unus super omnia excelsus: & ambitio quid nisi honores querit & gloriam; cum tu sis praecunctus honorandus unus & gloriatus in eternum?* & sevita potestatem timeri vult: *qua autem timendus nisi unus Deus?* Luxuria satietatem atque abundantiam se cupit vocari; tu autem es plenitudo & insufficiens copia incorruptibilis suavitatis. Quia tamen in hoc peccator perversus imitatur Deum, bona illa creata inordinatè appetit, detorquendo illa ab ordine quem habent ad Deum, & illa ad seipsum tanquam in ultimum finem referendo, peccando non appetit Deum ut authorem naturae, nec propter illum ut finem ultimum interpretative operatur, sed potius ab illo ut ab ultimo fine avertitur: sicut licet lapis ex natura sua tendat in centrum, ut in terminum & finem sui mortis; si quis tamen violenter eum sursum projiciat, definit tendere in proprium finem, & projiciens non censetur velle, etiam interpretative, quod descendat in centrum, imo potius censetur velle oppotum.

Objecies secundò contra secundam conclusionem: si quidquid homo liberè & humano modo operatur, virtualiter velit propter ultimum finem formalem, sequitur nullum dari

A actum otiosum in illo: Sed hoc est falsum: sicut enim dancur verba otiosa in homine, ita & actus otiosi: Ergo &c. Sequela Majoris probatur: Actus otiosus ille dicitur qui caret fine, seu qui ad nullum finem ordinatur: At si omnis actio humana respiciat beatitudinem in communione, erit quod caret fine, seu quod ad quem finem non ordinetur: Ergo nullus dabatur actus otiosus in homine.

Respondeo negando sequelam Majoris. Ad cujus probationem dicendum est, actum humanum non dici otiosum; ex eo quod non ordinatur ad ultimum finem formaliter, sed ex eo quod caret fine aliquo particulari & intermedio, ab operante praestituto.

Objecies tertio: Voluntas est libera circumstans finem in communi, & circa bona particularia: Ergo sibi proposito objecto & bono particulari, cum ordine ad bonum in communi, potest velle illud objectum, cum tali ordine, vel sine illo.

Respondeo voluntatem circa ultimum finem in communi non esse liberam, quantum ad specificationem, sed solum quantum ad exercitium: quare licet possit suspendere omnem actionem circa beatitudinem in communi, supposito tamen quod velit aliquid bonum in particulari, necessarium est quod illud velit in ordine ad illam. Unde Boetius: *Omnis mortalium cura, quam multiplicium studiorum labore exerceatur, diverso calle procedit, sed ad unum beatitudinem finitum pervenire.*

Objecies ultimò contra ultimam conclusionem. Potest voluntati proponi ratio beatitudinis in communi, absque aliquo ordine ad subiectum: Ergo potest homo fieri in ultimum finem in abstracto, non applicando eum alicui rei in particulari.

Respondeo concessio Antecedente, distinguendo Consequens: potest fieri in ultimum finem in abstracto, actu ineffaci & simplicis complacentiae, concedo: appetit efficaci, & a voluntationis, qui inferat electionem mediorum, & illum ut futurum seu obtinendum respiciat, nemo. Solutio patet ex supra dictis.

Quarit D. Thomas art. 7. utrum sit unus ultimus finis omnium hominum? Et responderemus homines convenire in ultimo fine formaliter sumpto, quia omnes appetunt beatitudinem vivere: sicut vero in fine ultimo materialiter considerato, seu in re illa in qua constituitur felicitas, nam quidam appetunt divitias, tanquam consummatum bonum, alii honores, alii voluptates, &c. sicut & omni gaudiu delectabile est dulcedo; sed quibusdam maximè delectabile est dulcedo vini, quibusdam dulcedo mellis, alii dulcedo laetis. De quo videri possunt Cicero in Tusculanis questionibus, & in libro de finibus bonorum & malorum: Seneca in libro de beatitudine; D. Ambrosius lib. de officiis cap. 2. D. Augustinus lib. 13. de Trinit. cap. 4. & Lactantius lib. 3. de divin. inst. cap. 7.

Addit S. Doctor, quod sicut illud dulce fini pliciter melius est, & magis delectabile, quod appetunt, & in quo delectantur illi qui habent gaudium melius dispositum: ita etiam ille revera est finis ultimus verus in particulari, quem appetunt habentes affectum recte dispositum, licet Deus, quem omnes Justi & Sancti appetunt, & de quo ait Propheta: *Gaudete & vidate quoniam suavis est Dominus.*

In Article 8. inquirit, an in illo ultimo fine (scilicet Deo, quem Iusti & Sancti sibi constituerunt) aliae creature convenient? Et responderet, quod si loquamur de re ipsa qua est finis ultimus, scilicet de Deo, idem est finis ultimus hominis, & omnium aliarum rerum: cum enim omnia qua sunt in mundo, sint producta a Deo, & omnia qua Deus produxit, in seipsum sicut in suum ordinaverit, juxta illud Proverb. 16, *Venera propter semetipsum operatus est Dominus;* omnes res mundi recipiunt Deum ut finem ultimum, & in eius gloriam ordinantur. Si vero finis ultimus sumatur pro actione qua possidetur (quaenam formalis appellari solet) in illo non communicant creature irrationalis: quia Deus non possidetur nisi per actus cognitionis & amoris, quorum creature irrationalis incapaces sunt. Pro cuius explicatione

Advertendum est, consecutionem ultimi finis veri, qui est Deus, tripliciter posse contingere, seu triplicem gradum habere. In primo gradu est consecutio per claram Dei visionem, & cognitionem eius, quam habent Beati in patria. In secundo gradu est consecutio per cognitionem & amorem Dei, sive naturalem, sive supernaturalem extra ejus visionem, in qua consistit beatitudo naturalis vel supernaturalis, quam creatura intellectualis potest habere in via. In tertio gradu est consecutio alicuius boni, quod est participatio quadam perfectionis divinae, iuxta quam creatura aliquo modo assimilatur Deo; & hoc tertio modo omnes creature, etiam sensu & cognitione carentes, Deum quodammodo consequuntur, in quantum attingendo suam perfectionem, illum modo sibi possibili participant. Cum ergo D. Thomas afferat, quod si loquamur de ultimo fine, quantum ad asecutionem eius, sic creature irrationalis non convenient in ultimo fine hominis, hoc debet intelligi de asecutione perfecta, qua sit per cognitionem & amorem, non autem de imperfecta, qua super imitationem quadam & participacionem perfectionis divinae: in ea enim, ut diximus, omnes creature, etiam irrationalis & insensibilis, convenient. Unde Boëtius egregio & elegantissimo discurso probat, Deum omnia qua extra proficer, ad se ut finem ultimum reducere, tanta necessitate, ut nisi id faceret, omnia illico in nihilum relaberentur. Ecce ejus verba:

*Sedet interea conditor altus,
Rerumque regens flebit habenas,
Rex & Dominus, fons & origo,
Lex & sapiens arbiter aqui.
Et quo motu concitat ire,
Sifit retrahens, ac vagis firmat.
Nam nisi rectos revocat ius,
Flexos iterum cogat in orbes,
Quonunc stabili continet ordo,
Dispersa suo fonte satiscant.
Hic est cunctis communis amor,
Reputumque boni sine teneri:
Quia non aliter durare queant,
Nisi converso rursus amore,
Resuant causa qua dedit esse.*

A

DISPUTATIO II.

*De beatitudine objectiva hominis.**Ad questionem 2. D. Thome.*

POST absolutam disputationem de ultimo fine, restat agendum de beatitudine hominis in particulari, qua definitur a Boëtio: *status omnium honorum aggregatione perfectus.* Si de con- folat. p. 3. ex 2. millem definitionem tradit Augustinus 7. de ci- vit. cap. 1. afferens beatitudinem esse verum op- tundarum cumulatum plenitudinem. Quae defini- tiones videntur desumpta ex Cicerone 3. Tu- scul. quest. ubi dicit beatitudinem esse honorum omnium, secretis omnibus malis, cumulatum comple- xionem: & ex Platone, afferente beatitudinem esse bonum ex omnibus bonis aggregatum.

Porro haec omnes definitiones solum materiam beatitudinis tradunt, non autem forma- lem ejus rationem assignant: sed restat inquirendum, cur illa bonorum plenitudo, beatitudinis nomen sortiatur. Quare optima beatitudinis definicio est quam tradit D. Thomas hic artic. 1. dicens illam esse *bonum totaliter quietans & sati- ans appetitum:* quod de appetitu rationali, seu per rectam rationem regulato intelligendum est: non vero de appetitu irrationali & inordi- nato; quia in satietate talis appetitus non vera beatitudo, de qua haec loquitur, sed summa pec- cati miseria consistit.

Dividitur autem beatitudo sic descripta, in naturalem, & supernaturalem: naturalis est illa qua natura humana proportionatur, seu ad quam homo per principia sua natura perveni- re potest: supernaturalis vero est qua naturam hominis excedit, & quam homo sola virtute divina, & auxilio supernaturali consequi valeret.

DUTRAQUE deinde subdividitur in beatitudinem hujus vita, qua est imperfecta, & solum inchoata, & beatitudinem patria, qua est perfecta & consummata: item in essentiali, qua versatur circa objectum beatificum, scilicet Essentiam Divinam, & accidentali, qua circa alia ob- jecta inferiora se extendit, ut intuitio corporis Christi in celo, cognitione creaturarum extra verbum, gloria corporis beati, & similia. Denique in objectivam, qua est illa res, in cuius ad- eptione appetitus hominis perfecte satiatur & quiescit, ac formalem, qua est operatio illa qua apprehenditur & possidetur summum bonum, seu res illa qua beatitudo objectiva appellatur. In hac ergo disputatione agemus solum de beatitudine objectiva, in sequenti vero de formalis.

ARTICULUS PRIMUS.

*In quo confitatur beatitudo objectiva
hominis?*

VARIA fuerunt in hac controversia Philo- 1.
sophorum placita: Augustinus enim 19. de civit. cap. 1. referre Marco Varrone ducen-

D 2 tas